



SULEQATIGIISITSISUT  
SAMARBEJDSPARTIET

IÅA2019/34

Tillie Martinussen

3. april 2019 – Siullermeerneqarnera

**Avammut tunioraaneq pillugu Naalackersuisunut susassaqartunullu sumulluunniit attuumassuteqanngitsumik nalilersueqqissaarluni inassuteqaasiortartussamik, Avammut Tunioraaneq pillugu Siunnersuisooqatigiinnik kingusinnerpaamik UPA2020-imi pilersitseqqullugit Naalackersuisut peqquneqarnissaannik siunnersuut. Ilangullugu siunnersuutigineqarpoq, avammut tunioraarerup siuarsarneqarneranut suliniutit ingerlaavartumik nalilersorneqartarnissaat siunnersuisooqatigiit suliassaannut ilaatinneqassasoq.**


(Inatsisartunut ilaasortaq Karl-Kristian Kruse, Siumut)

Ilisimasaqarnerulernissarput pisariaqartipparput aamma inuiaqatigiit aallarnisaasarnermut avammullu nioqquteqarnermut ilisimasaqarnerulernissaat aamma taamatut pisariaqartippagut siunnersuummi taaneqartut suliniutit matunatik ingerlaannartarnissaannut periarfissat misissorneqarnissaat kiisalu inuutissarsiutini avammut tuniniaanermi piginnaanngorsaasarnert nukittorsarnissaat. Tamakku Naalackersuisut akissumminni taasaanni oqartussaaffinni assigiinngitsuni naatsorsorneqarsinnaaqqooqaat, ataatsimoortillugit, ajornanngitsumik takuneqarsinnaaqqullugit suliniutit assigiinngitsut ingerlanneqartut suuneri.

Tikkuarusupparpulli isumalioqatigiisitaq pilersinneqassammat politikerinut attuumassuteqarsinnaajunnaarlugu. Inuttarissavai ilinniarluarsimasut pikkorissut aamma kalaallit nunatsinni inuutissarsiortuningaanneersut, sulissaarli politikerinit arlaannaatigulluunniit sunniuteqarfigineqarsinnaanani.

Aamma isumaqarpugut isumaliqatigiisitani suleqataasariaqartut siunnersortit eqqortunik piginnaanillit nunatsinneersut nunanilu allaneersut.

Ukiorpasuarini kingullerni takuneqartareerpoq ilisimasani annertusaanissaq aamma piginnaasanik ineriartortitsinissaq ataatsikkut ingerlanneqartariaqartut inuit iinniarluarsimasut imaluunniit taamatut



SULEQATIGIISITSISUT  
SAMARBEJDSPARTIET

sulisinnaasut atornissaat Kalaallit Nunaata nunallu allat suleqatigiissutigalugu. Annertusaarluta  
ilinniarfigalugillu.

Taamatut oqaaseqarluta isumaqarpugut ataatsimiititaliami susassaqartumi sukumiisumik  
oqallittoqartoqartariaqartoq nunani allani avammut tunisassiornermut isumalioqatigiisitaqarnermi  
misilittakkat ilanngullugit aamma Naalagaaffeqatigiit ungataanni tamatumalu kingorna  
eqqarsaatigilluakkamik aalajangiilluta, qanoq iliorluta arlaannaannulluunniit attuumassuteqannginnissaq  
aamma pitsaassutsip qularnaarnissaa piviusunngortinneqarsinnaanersut.

Taamtut oqaaseqarluta akuersaarluta siunnersuutip ataatsimiititaliamut susassaqartumut  
ingerlateqqinnearnissaa innersuussutigaarput.